



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ.

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS.

*manè discutienda, in Scholis Medicorum, die Jovis,
duodecimo Martii Anni M. DCC. XXXIII.*



Autor M. Delépine.

M. GUILLELMO DE MAGNY,

Doctore Medico, Præside.

An Alvus siccior ad quemlibet morbum proclivior?

I.



OMO totus à naturâ morbus; natus inter dolores ipsis
mancipat se nascendo. Maternorum hæres & paternis imbu-
tus, en adest quot quot incubuere terris malorum victima.
Urget undèquâque miseriarum cujusvis generis cohors
importuna. Carybdim fugit? incidit in scyllam. Funeribus
doloribusquè infamem pueritiam enatavit? quot adultum circumve-
niunt incommoda! Confestim arripiunt datam sibi prædam Gula, Lu-
dus, Ira, Furor, Cupido, Ambitio, Auri sacra fames. Nec mora, nec
requies quin miserum corpus effectum reliquerint. Quæ olim tardo
passu veniebat trentens senecta, hodiè erroribus juventæ facta auda-

cior corripuit gradum. In proprium alacres ruimus funus. Nec per nostram patimur stultitiam stare diù quantula sint nostra corpuscula. Puer, juvenis, senex naufragiis inclitum navigat mare. Hinc & indè scopuli & syrtes. In medio consistere arduum ac difficile. Plurima cuiquè ætati propria sunt incommoda, innumera communia cuilibet. At, proh dolor ! in nobismèt ipsis innata sunt. Interdùm Sopita silent aliquandiu : at clivus mobilis sanitatis apex. Qui ab illo decidit incidet in manus Medici. Qui stat videat nè cadat. Naturà vergentes ad interitum, naturæ sæpius calcar addimus in propriam perniciem ingeniosi. Arte si non naturà in morbum labimur omnes. Proclivior ille ad morbum quemlibet qui seu ab auctoribus vitæ, seu naturâ, seu errore in victu plures in se morborum causas aut gerit aut adipiscitur.

I I.

CAUSÆ morbi nos undèquaque ambiunt. Intèr eas vivimus, in nobis vivunt. Morborum semina cum aère spirâmus, poru & cibo irritâmus, contubernio fovêmus. Qui vitam tradidère morbos quòque indissociabiles transmissère in venas nascentium. Infelix & dolosa traditio inquâ tantum servat qui tradit quantum accipit cui traditur ! Mille modis contrahitur morbus. Quid una contrà tot hostes medicina ? medias inter Veneres (quis crederet) medioque ex voluptatum fonte exurgit morbus. Non semper licuit impunè gaudere. Non salubrior tristitia, mensa spes altera vitæ non tutior. Temperamento vix tutum fidere. Elementis præponderantibus credas discriminâri temperamenta, erras : discriminant morbos quæis magis affines futuri simus. Vegetius temperamentum suus quòque manet morbus. Vitæ genus pro variâ ætate, sexu, conditione, fortunâ, varium. Ex harum-ce rerum varietate, varios in morbos propensio. Non licet pauperi ægrotare, sic ac dives. Hic in compendium vivit, vivere festinus, senex ante annos exstinguitur. Ille defessus ærumnis, à puero miser per infortunia lentè appellit ad interitum, tritumque tandèm laboribus corpus, trita chlamydis instar, inutile relinquit. Tandèm sive hæreditatis jure, sive temperamenti, sive vivendi ratione quilibet ad morbos proclivis. Proclivior ille est qui naturâ aut arte plures in se morborum causas aut gerit aut accersit.

I I I.

QUIS plura metuere debet pericula, quis plures fovère in se morbos jure verebitur quàm cui non responderet alvus ? cui alvus sterquilinum ? quotidie usu deterimur. Restaurationis partium

officina ventriculus & intestina. Materia, cibus & potus. Materia non tota cedit in nutrimentum, sola pars tenuior solutu facilis, utilis. Hæc in cremorem abit levi dissolutione. Ex reliquiis, etsi contineant adhuc partes aliquas *Euseptas*, si ulteriorem usuram querant avarior ventriculus & intestina *suctione* diuturniori, cave magni constet hoc fœnus iniquè extortum. Alimentorum fons vulgò duplex, animantia, vegetantia: mineralia condimentum ad summum, aut medicamentum conferunt. Alimenta cruda veniunt in usum, aut igne subacta: utraque cedunt in felicem victum. Cruda salubriora quædam, coctio reddit utiliora pleraque. Olera, flores, fructus, & quædam legumina cruda, ut fert tellus, optimum præstant succum. Ferè omnia ignem libenter patiuntur. Sic de carnibus animantium, quædam viva devoramus ut conchyliæ, omnia igne subacta reformidabit nemo. In his omnibus escis merum *jus* primario expressum, solum apprimè nutritium. Reliquiæ seu fæces, etsi contineant partes mixtas nutritiis, non sinè periculo solventur in nutritionis materiam. Salibus fixis, partibusque sulphureis, si diuturniori calore evolvantur fœtæ, equo Trojano similes, mille parturient mortis causas. Qui stipatâ est alvo hæc crassamenta diutius concoquit.

I V.

AT non ex his ce solis maximum incurrit periculum. Sentina corporis, & omnium excretorium amplius canalis intestinum. In constipatis alvo præ nimio calore fæces in modum linimenti parietibus viscerum adhærent, putrescunt & in unguen pici haud absimile abeunt. Sic omnia oscula *depuratura* sanguinem occluduntur, nec deplunt jugiter, ut moris est, *repurgamenta* sanguinis cuius maxima pars in abdomine continetur. Interdum malo regimine, aut calidiôri tempestâte, aut calore per frigus externum intus reverberâto, excandescunt hæ fæces fœni instar aut sterquilini & liquefcunt, undè sanguis acribus & salsioribus alimentorum longâ morâ solutorum partibus imprægnatus nec solitâ viâ depuratus facilius facescit in corruptionem quamlibet, si non corrumpitur illico, aut vias non naturales affectabit. Indè sanguinis hæmorrhagiæ frequentes alvo siccis, cardialgiæ, colici dolores, hemicrania, capitis dolores, frequentiores herniæ ac periculosiôres, ptyalismî, pituitæ redundatio. Indè ex pluribus qui frigori acriôri se objecerunt, qui ultra modum cursu aut ludo aut saginâ se obruerunt, unus ille pleuritide, peripneumoniâ aut colicâ laborat aut alio morbo, qui stipatiôre alvo est, non semper qui magis peccaverit.

NOLI reponere non rectius valere qui humidas alvos habent, forsàn antea fuerunt sicciori & sibi tunc comparare morbum. Alii benè degunt quàmvis quâlibet hebdomade, mensē toto semel aut non bis ampliùs egerant; raro valent, aut si valent maximos meditantur morbos, non enim ægrotare dicimus sed eos morbo cuilibet magis esse obnoxios; si in morbos incidunt eos esse contumaciores; ii enim donec humidam habuerint alvos non curantur, iis acriora cathartica periculosa, leviora inutilia. Sani dum videntur igne supposito cineri dolo propinqui morbi fomitem tegunt, aut æstuant, & torrentur intus; ignescunt enim fæces ad instar fœni congesti. Per transudationem sanguini *acrimoniam* communicant; per putrefactionem glutinis modo intestinorum oscula depuratoria obliniunt, & in deliquium ut aliquoties accidit fusa si non in sanguinem usquè obrepserint, morbos alvis laxis non communes procreant, à cæteris morbis non immunes reddendo.

Ergò Alvus siccior ad quemlibet morbum proclivior.

Proponebat Parisiis, HENRICUS GUYOT, Flexicus
Diœcesis Andegavenfis, Baccalaureus Medicus,
A. R. S. H. 1733. à sextâ ad meridiem.